

Elegibilidade de is comunos de Ortacesus e Sant'Andria Frius in s'àrea GAL SGT



Sa famiglia de su GAL SGT – Sole Grano Terra, s'allargat. A is 19 comunos elegibiles de su Sarrabus, Gerrei, Trexenta e Campidanu de Casteddu (Armùngia, Ballau, Burcei, Scalepranu, Gèsigu, Goni, Guamajori, Guasila, Pramentelu, Santu 'Asili, Pauli Gerrei, Santu 'Idu, Sèlegas, Senorbì, Silius, Sriugus Donigalla, Sueddi, Biddesatu, Biddeputzu) s'aggiungent fintzas Santu Andria Frius e Ortacesus.

Est custu chi est istupadu custu mangianu durante sa cunferèntzia de imprenta chi s'est tenta a S'Ormu de Puddedda in bia de Roma de Santu 'Asili convocada pro

s'achirimentu de is requisitos de elegibilidade de is comunos de Ortacesus e Santu Andria Frius pro s'intrada in s'àrea GAL Solas Grano Terra (Sarrabus, Gerrei, Trexenta e Campidanu de Casteddu) pro sa Programatzione 2023-2027.

“Est una die importante pro su GAL SGT: est su resurtadu de annos de impinnu in custa diretzione. Nos semus semper fatos promotores pro s'ammannimentu de su grupu sotziali e pro s'insertada de is duos comunos chi, dae medas annos, aspiraiant a intrare a àrea GAL, a pustis de giai èssere devènnidos sòtzios de su GAL, Ortacesus oramai dae su 2017 e Santu Andria ocannu, gràtzias fintzas a is sinergias creadas durante su protzessu de costituzione de su Distretu Rurale SGT”, at naradu su presidente de su GAL SGT Antonino Arba, “su GAL SGT, a sa de tres programatziones suas, at a crèschere meda sa delimitazione territoriale respetu a s'attuale programatzione, rendende fintzas in manera majore parìvile e uniforme su territòriu in lìnia cun s'àmbitu territoriale de is Uniones de is Comunos de sa Trexenta e de su Gerrei. Unu traguardu chi faghet isperare bene pro su traballu chi nos isetat e chi at a agiare a contribuire galu a s'affortimentu de s'identidade territoriale nostra”.

“Aviare cantu prima su protzessu de partetzipatzione pro sa creatzione de sa Istrategia noa de isvilupu locale de su GAL SGT 2023-2027 cun s'inclusionu de Ortacesus e Santu Andria Frius, est un'importante elementu de arricchimentu pro su territòriu e pro su GAL. Est sena duda unu coladòrgiu naturale ca is comunos de Ortacesus e de Santu Andria Frius, fintzas no essende elegibiles in s'àrea GAL e non podende partetzipare a is bandos comente beneficiariis, in custos annos, ant donadu unu contributu importante meda a s'internu de su partenariadu, siat comente atores pùblicos siat cun sa partetzipatzione ativa de sugetos privados: sòtzios, operadores econòmicos e culturales, persones chi a vàriu titulu ant crètidu e creent in sa faina de su GAL”, at agiuntu sa diretora de su GAL SGT Silvia Doneddu, “su cumbinchimentu est chi su territòriu immoe siat prus rapresentadu, chi s'atzione de su GAL s'integret semper prus a sa progetatzione territoriale prus ampra chi giai bidiat is comunos de Ortacesus e Santu Andria protagonistas in su territòriu nostru. In custa noa programatzione Ortacesus e Santu Andria ant a pòdere non petzi

definire is obietivos e is atziones comunas ma èssere in fines beneficiàrios diretos de is bandos e de is risursas dedicadas a su GAL SGT”.

De sa matessi linia su Presidente Unione de is Comunos de su Gerrei, Albino Porru: “Est un'oportunidade pro totus nois chi at a fàghere crèschere s'oferta territoriale nostra. Creschet fintzas sa variedade de is comunos chi benint rapresentados dae su GAL SGT”.

“Si tratat de un'oportunidade pro su comunu nostru, su territòriu nostru e is fainas nostras”, at agiuntu Simone Melis, sindigu de Santu Andria Frius, “semus cuntentos de intrare a fàghere parte de su Gal, mancat isceti una deliberatzione pro s'ufitzialidade de s'adesione”.

“So satisfadu meda, mescamente pro su comunu de Ortacesus sende chi apo bìvidu in prima persone sa disparidade”, at naradu Paola Casula, sindiga de Guasila e presidente de s'Unione de is Comunos de sa Trexenta, “sa sindiga aiat chircadu dae deretu de aderire a su progetu. Est un'obietivu importante meda ca cando si faghent políticas de isvilupu territoriale non faghent a esclùdere unu o duos comunos. S'at a pòdere programare unu pranu nou de atzione coerente cun totu is territòrios de sa Trexenta”.

Ateretantu pregiada sa sindiga de Ortacesus, Maria Carmela Lecca: “Semus satisfatos meda de su resurtadu chi amus l'òmpidu e chi est frutu de una sèrie de atziones miradas a su cromptu de custu importante truardu. Semus sòtzios de su GAL SGT e dae annos collaboramus cun issu, cumbintos chi s'isvilupu locale colat fintzas a traessu de custas formas de programatzione, chi investint in totu su territòriu e chi promovent progetos de afortiamentu e nàschida de retes noas a livellu pùblicu e privadu. Is indicadores de sa bidda nostra (ispopulamentu, tassu de disocupatzione, imbetzamentu de sa populatzione, pagos collegamentos cun su cabulogu) caraterizant is diferentes comunos de su territòriu chi dae annos faghent parte de su GAL SGT a prenu titulu comente beneficiàrios. Su resurtadu chi oe sempus l'òmpiduos a s'elegibilidade de su comunu nostru in sa programatzione de s'àrea de su GAL at ustu a cunsentire de programare atziones chi punnant sa crèschida, a s'isvilupu e a sa creatzione de unu progetu chi interesset non de sa bidda nostra isceti, ma de totu su territòriu de sa Trexenta cun sa valorizatzione de is risursas suas”.